

## 每週經課朗誦經文(巴克禮漢羅/教羅)2013/07/07

### 共同經課 - 1 列王記下五章一節~十四節

1 A-lân 王 ê 軍長 Nái-bân, tī 伊 ê 主人 ê 面前做大, 做尊貴, 因為耶和華 bat 用伊 hō A-lân 得勝, 伊也是大權能 ê 勇士; 總是 thài-ko。2 前 A-lân 人 kui 陣出去, tùi 以色列地掠一個 cha-bó-gín-ná; 伊就伺候 Nái-bân ê bó。3 伊 kā 伊 ê 主母講, 苦 boē 得 tiòh 我 ê 主 kap 撒馬利亞 ê 先知相 kap tī-teh, 伊的確能醫好伊 ê thài-ko。4 有人入去 kā 伊 ê 主講, 屬以色列地 ê cha-bó-gín-ná án-ni án-ni 講。5 A-lân 王講, 你去 ah, 我也 beh 寄一張 phoe hō 以色列王。Nái-bân 就去, 帶銀十 tha-liân-tek, 金六千, 衣裳十套; 6 帶 phoe 到以色列王 hia。phoe 內講, Phoe 到你 hia ê 時, 看 ah, 我差人臣 Nái-bân 去見你, 你 tiòh 醫好伊 ê thài-ko。7 以色列王看 phoe 了, 就拆裂伊 ê 衫, 講, 我 kiám 是上帝, hō 人死, hō 人活 mah? Chit 人竟然差人來我 chia, kah 我醫好伊 ê thài-ko; 請 lín chim-chiok 想, 看 chit 人怎樣 chhē 縫攻擊我。8 上帝 ê 奴僕以利沙聽見以色列王拆裂伊 ê 衫, 就差人去見王講, 你啥事拆裂衫 ah? Thang hō hit 人到我 chia, 伊 chiah 知以色列中有先知。9 Nái-bân 就 kap 伊 ê 馬, 伊 ê 車來, khiā tī 以利沙 ê 厝門口。10 以利沙差一個使者, kā Nái-bân 講, 你去約旦河洗身軀七 pái, 你 ê 肉就復原, 你 beh 得 tiòh 清氣。11 Nái-bân 就受氣, 退去, 講, 我本 phah 算伊的確 beh 出來見我, khiā-teh 求叫耶和華伊 ê 上帝 ê 名, 搖手 tī 患 tiòh ê 所在, 來醫好 thài-ko-ê。12 大馬色 ê 河, A-pa-ná kap Hoat-jī-hoat, kiám 無比以色列一切 ê 水 khah 好 mah? 我 tī-hia 洗身軀 boē 得 tiòh 清氣 mah? 就 oát-tng 身受氣, 做伊去。13 伊 ê 奴僕進前, kā 伊講, 我 ê 父 ah, 先知若 kah 你去做一件大事, 你 kiám 無 beh 做 mah? 何況伊 kan-ta kā 你講, 洗就清氣 ah? 14 Nái-bân 就落去, 照上帝奴僕 ê 話, tī 約旦河洗七 pái; 伊 ê 肉復原, 親像 gín-ná 肉, 伊就清氣。

### 共同經課 - 2 詩篇三十篇

1 Chit-ê 詩是獻宮殿 ê 歌; 大衛做 ê。1) 耶和華 ah, 我 beh 尊重你做至高, 因為你 bat 提拔我, 無 hō 我 ê 仇讎對我誇口。2 耶和華我 ê 上帝 ah, 我 bat 求叫你, 你就醫好我。3 耶和華 ah, 你 bat 救我 ê 靈魂 tùi 陰間起來。你 hō 我活 teh, 免致入墓。4 耶和華聖 ê 百姓 ah, lín tiòh 唱歌 o-ló 伊, 記念伊 ê 聖名來感謝 I。5 因為伊 ê 受氣不過目 nih 久; 伊 ê 恩典是一生 ê 久; Kui 暝雖然有啼哭, 早起時就有歡喜。6 論到我, 我 tī 興通 ê 時就講, 我永 boē 搖 choah。7 耶和華 ah, 你 bat 施恩, hō 我 ê 山 khiā 在堅固, 你掩你 ê 面, 我就擊腹。8 耶和華 ah, 我求叫你; 我對耶和華求恩, 講, 9 我流血, 我入墓, 有啥利益? 塵埃 kiám 會 o-ló 你? kiám 會報揚你 ê 真實 mah? 10 耶和華 ah, 求你聽我, 憐憫我; 耶和華 ah, 求你幫贊我。11 你已經將我 ê 啼哭變做跳舞; 你將我 ê 麻衫 thng 去, 用歡喜 kā 我 hā; 12 Thang hō 我 ê 心神唱歌, o-ló 你, 亦無靜靜。耶和華我 ê 上帝 ah, 我 beh 感謝你, 到永遠。

### 共同經課 - 3 加拉太書六章一節~六節(七節~十六節)

1 兄弟 ah, 若有人無 tiu<sup>n</sup>-tī 陷落罪過, lín 屬 tī 神 ê 人 tiòh 用溫柔 ê 心神歸正伊, 也 tiòh 家已關防, 驚了 lín 也 tú-tiòh 試。2 Lín tak 人 ê 重擔 tiòh 相全擔; 3 用 án-ni 來盡基督 ê 法。4 無, 也家已掠做有 ê, 是騙家己。Tak 人 tiòh 省察家己 ê 所行, 就有 thang 誇口 ê, 在 tī 本身, 無在 tī 別人。5 因為 tak 人 beh 擔伊家己 ê 擔。6 學習道理 ê, tiòh 將 tak 項好物 hō 教示伊 ê sa<sup>n</sup>-kap 有份。7 莫得家己錯誤, 上帝 boē 侮慢得; 因為人所掖 ê 是甚麼, 伊也 beh 收 hit 號。8 為 tiòh 家己 ê 肉體掖 ê, beh tùi 肉體來收成敗壞; 為 tiòh 聖神掖 ê, beh tùi 聖神來收成永活。9 咱行好 m-thang 矢志, 因為若無折站, 到期能收成。10 所以 iáu 有機會, 咱 tiòh 行好 tī 眾人, tī hiah-ê tui 信成做一家 ê 人, koh-khah tiòh 致意。11 Lín 看我親手寫 hō lín ê 字到 chiah 大。12 見若 ài 用肉體裝飾好看 ê, in 勉強 lín 受割禮, 無 m 是 ài 免得為 tiòh 基督 ê 十字架受 khún-tiòk。13 因為 in 受割禮, 連家己也無守律法; 獨獨 ài lín 受割禮, hō in thang tī lín ê 肉體誇口。14 但是我斷斷 m 誇口別項, 只有誇口咱 ê 主耶穌基督 ê 十字架 nā-tiā<sup>n</sup>; tùi chit-ê 就世間 òng 我釘十字架, 我 òng 世間也是 án-ni。15 因為受割禮, 無受割禮, lóng 無要緊; 要緊就是做新創造 ê 人。16 見若照 chit-ê 準繩 來行 ê, 願平安憐憫到 tī in, 也到 tī 上帝以色列 ê 百姓。

### 共同經課 - 4 路加福音十章一節~十一節, 十六節二十節

1 Chiah-ê tã-chì 了後, 主 koh 設立七十人, 一對一對差 in 做頭去伊所 beh 到 tak ê 城, tak ê 所在; 2 對 in 講, Thang 收成 ê 是 choē, 做工 ê 是少; 所以 lín tiòh 求園主逼工去 kā 伊收成。3 lín 去 ah, 我差 lín 親像羊 á 入豺狼 ê 中間。4 莫得帶錢袋, 莫得 tah-liân, 莫得鞋; 路裡莫得 kā 人請安。5 無論入甚麼厝, tiòh 事先講, 願 chit 家平安。6 設使有合宜得 tiòh 平安 ê 人 tī hia, 就 lín ê 平安會到 tī 伊; 若無, 就倒歸 tī lín。7 Tiòh tiàm tī hit 家, lim 食 in 所供給 ê, 因為做工人堪得得 tiòh 伊 ê 工錢; 莫得 tùi chit 家徙去 hit 家。8 無論入甚麼城, 人若接納 lín, tiòh 食 in 所排 tī lín 面前 ê。9 城內有病 ê, tiòh 醫好 in, 續 kā in 講, 上帝國近 lín lah。10 若是無論入甚麼城, 人 m 接納 lín, 就 tiòh 出去 in ê 大街路講, 11 連 lín ê 城 ê 土粉, tiâu tī 阮 ê 腳 ê, 阮也 tui<sup>3</sup>lin<sup>2</sup> 拭去; 總是 lín tiòh 知上帝 ê 國近 lah。16 聽 lín ê 就是聽我; 棄 sak lín ê 就是棄 sak 我; 棄 sak 我 ê 就是棄 sak 差我 ê。17 Hiah-ê 七十人 tò-tng 來 teh 歡喜講, 主 ah, 用你 ê 名鬼也降服阮。18 耶穌 kā in 講, 我有看見撒旦親像 sih-nà tùi 天跋落來。19 我已經 hō lín 有權 thang 踏蛇 kap 蠍 á 蟲, koh 贏過對敵 lóng 總 ê 氣力; 決斷無一項會害 tiòh lín。20 總是莫得因為 chiah-ê 神降服 lín 來歡喜; tiòh 因為 lín ê 名記 tī 天裡來歡喜。